

Lettres Patentes

D V R O Y, P O V R T E-
nir les Grands Iours en la ville de
Troye en Champagne, en la pre-
sente annee, 1583. avec l'Arrest
de la Court interuenue sur lesdi-
ctes lettres.



A P A R I S,

Par Federic Morel Imprimeur
ordinaire du Roy.

1583.

Avec Priuilege dudit Seigneur.

James P. Stevens

Case
F
39
326
1583 f



217 A 9 A

Par l'ordonnance du Roy.
Par l'ordonnance du Roy.

1878

1892-1893



LETTRES PATENTES DV
 Roy pour tenir les grands iours en la
 ville de Troye en Champagne, en la
 presente annee, 1583.



ENRY par la grace
 Dieu Roy de Frâce
 & de Pologne, A
 nos amez & feaux
 Conscillers, les gens
 tenans nostre Court
 de Parlemēt à Paris,
 salut & dilection.

Comme le plus grand & singulier desir &
 affection que nous ayons en l'administra-
 tion & gouvernement de la chose publi-
 que de nostre Royaume, soit à la distri-
 bution de Iustice, expedition d'icelle, &
 abbreuiation de proces, à ce que à chacun
 de nos subiects soit faict & rendu par iu-

A ij

stice distributiue ce qui est sien, & qui luy
 appartient, à la descharge de nostre con-
 science, deuoir enuers Dieu, soulage-
 ment de nostre peuple, repos des bons, &
 punition des mauuais : Et soit ainsi que
 pour la grande multitude & affluence des
 causes & proces qui sont par cy deuant
 suruenus, & suruiennent tous les iours en
 nostredite Court de Parlement à Paris, par
 friuoles & temeraires appellations, subter-
 fuges, delais frustratoires, & exquises ca-
 uillations de plusieurs parties, & autremēt:
 les roolles ordinaires des appellations ver-
 bales des annees & Parlemēts precedās, de
 plusieurs Preuostez, Bailliages, Seneschau-
 cees, & autres iurisdctions, sont demou-
 rez à expedier, mesmement es pays de Chā-
 pagne, Brye, Picardie, & pays qui en depē-
 dent, Bailliages, Seneschaucees, gouuerne-
 mens, iustices & ressorts d'iceux: les Baillia-
 ges d'Auxerre, Sens & anciens ressorts, S.
 Pierre le Mōstier, Mascōnois, pays de Doul-
 ziois, Moruans, Rethelois & Bourbonnois,
 iustice de Calais, & pays reconquis. Et par
 faute de l'expeditiō desquels rolles anciens
 lon ne peut toucher aux nouueaux, & aux
 appellations recentemente interiettees. Qui
 a esté

5
 a esté par cy deuant, & est encores l'occa-
 sion, que plusieurs causes & matieres de-
 meurent en arriere: & aduient souuent,
 que par vne friuole appellation verbale de
 quelque appointement interlocutoire, les
 procez principaux demeurent & sont ac-
 crochez deux, trois, ou quatre ans, & plus,
 au moyen de ce que ladite appellation ne
 peut estre decidee ne vuidée plustost, &
 iusques à ce que les vieux & anciens roolles
 soient acheuez & expediez. Ayans aussi
 esté aduertis, que en nosdits pays, terres,
 Bailliages, Seneſchaucées & Preuostez des-
 sus declarees, ont esté par cy deuant cōmis
 & perpetrez, & se commettent tous les
 iours plusieurs grands crimes, excez, delits,
 forces publiques, voyes de faict, & autres
 malefices, par les Gentils hommes, & au-
 tres nos subiects desdits pays, contre l'obe-
 issance que nosdits subiects doiuent à nous
 & à Iustice, contre le repos public, & à
 l'oppression du pauvre peuple. Lesquels
 crimes, excez & malefices, tant pour la
 longue distance des lieux, & que les de-
 linquans sont loing de la lumiere, qui est
 nostre Iustice ſouueraine, comme pour la
 negligence de nosdits officiers eldits pays,

& support que quelquefois ont aucuns deditz criminels, demeurent impunis: tellement que nos pauures subiects excedez ne sont satisfaits de la reparation ciuile & interest priué, ne nous ne nostre chose publique, de la vindicte & punition exemplaire: le tout à nostre grand regret & desplaisir. N'ayans rien tant à cœur, que de nostre temps & regne faire administrer Iustice en nostre Royaume. A ces causes voulans releuer nosdits subiets de despens, peines & traux, & les garder & defendre de toutes molestes, oppressions & vexations: Auons par l'aduis de plusieurs Princes de nostre sang, & autres de nostre Conseil ordonné & ordonnons, voulons & nous plaist, ladite Court & iurisdiction, vulgairement appelée les Grands iours, estre tenue & exercee ceste presente annee en nostre ville de Troye, comme premiere, principale & capitale de nostre Comté de Champagne, commode pour les prouinces ressortissans ausdits Grands iours: par vn des Presidens de nostredite Court de Parlement, vn maistre des Requestes ordinaire de nostre hostel, quatorze de nos Conseillers en icelle Court, c'est à sçauoir
deux

deux clerks, & douze laiz, vn de nos Aduocats, vn Substitut de nostre Procureur general, les Greffiers, Civil des Presentations, & Criminel, vn des quatre Notaires de nostre dite Court, cinq de nos Notaires & Secretaires, a sçauoir deux Boursiers, deux Gaigers du nombre des six vingts, & vn des cinquante quatre, vn Audiencier & vn Contrerolleur pour le fait de nostre Chancellerie, & quatre Huissiers: Pour par lesdits Presidēt, Maistre des Requestes, Conseillers & autres officiers, tenir iceux Grāds Iours, cōmençans le neufiesme iour de Septembre prochainement venant, & finissans le dixiesme iour de Nouembre ensuyuant. Et durant ledit temps expedier, finir & terminer les causes, & procez de tous lesdits pays de Champagne, Brye, Picardie & pays qui en dependent, Bailliages, Seneschaucees, gouuernemens, iustices & ressorts d'iceux, les Bailliages d'Auxerre, Sens & anciens ressorts, S. Pierre le Monfrier, Masconnois, pays de Doulziois, Moruans, Rhetelois & Bourbonnois, iustice de Calais, & pays reconquis. Et decider de toutes appellations verbales interiettees des Sentēces diffinitives & interlocutoires,

donnees tant par les Baillifs, Seneschaux
 & autres Iuges des pays dessusdicts, & res-
 sorts d'iceux, ou leurs Lieutenans, que de
 nos amez & feaux les Gens tenans les Re-
 questes de nostre Palais à Paris, Preuost
 dudit Paris, Conseruateur des priuileges
 royaux dudit lieu: pourueu que les choses
 litigieuses, ou les parties contrigantes,
 quoy que soit, celle qui sera defende-
 resse originale, soient des ressorts deudits
 Grand-iours. Ensemble cognoistre, iuger
 & diffinir toutes les appellations comme
 d'abus, appellations de simples exploits
 de toutes les instances, de compulsoi-
 res, oppositions, subrogations, somma-
 tions & requestes formelles, adiudica-
 tions & profits de tous exploits donnez
 en iugement, & esdits Grands iours, re-
 parations ciuiles, reprise de procez, re-
 ception d'enquestes, creation de curateurs
 es causes, permissions, ou pareatis, decrets
 d'iterato, en ce que lesdites matieres con-
 cernent lesdites appellations verbales. Et
 outre cognoissent, iugent & decident des
 entretenemens des contrats, sequestres, pro-
 uisions d'aliments, dotes, douaires, garni-
 sons, recognoissance de cedulles, consignations

tions, & autres matieres, qui se pourroient
vuyder sur le champ avec icelles appella-
tions verballes, & non autrement. Et en-
cores procedent, & facent proceder aux
executions des Arrests, à la taxation de
tous despens acquis & adiugez, & recoi-
uent toutes conclusions & acquiescemens,
en quelque maniere que ce soit, tout ainsi
que lon fait en la chambre par nous or-
donnee, nostre Parlement vacant. Pareil-
lemēt procedent au iugement des Congez,
defaux en toutes matieres, par faute de
presentation des parties adiournees, tant
en nostredite Court de Parlement seant,
que ausdits Grands iours. Voulons aussi
leisdits President, maistre des Requestes,
& Conseillers, cognoistre & decider de
tous abus, fautes, maluersations ou negli-
gences, dont nos Officiers desdits pays &
ressorts se trouueront chargez au fait de
leurs estats & offices, ou autrement: &
qu'ils les chastient, corrigent & punissent
selon l'exigence des cas, & qu'ils verront
estre à faire. Aussi corrigent & amendent
toutes corrupteles, & vsages, styles de pro-
cedures abusives, mauuaises pratiques, &
formulaire de praticiens, ou autres choses,

que és sieges & auditoires desdits pays & ressorts, ils trouueront estre desraisonnables, ou contre le bien & expedition de la Iustice, & le tout reforment & mettent en bon ordre & forme de pratique. Pareillement voulons, qu'ils cognoissent, iugent, & decident de toutes matieres criminelles, de quelque grandeur & qualité qu'elles soient, & contrauention à nos Edicts de pacification & autres nos Ordonnances, tant en premiere instance, que par appel, ainsi que les matieres se presenteront & offriront. La cognoissance, iugement, & decision de toutes lesquelles causes criminelles, & desdites appellations verballes, ciuiles, dont les assignations sont escheuës és trois Parlemens derniers, & aussi de celles des Parlemens precedens, esquelles l'une des parties sera presentee & poursuivant, ou aura renouuellé procuration pour la poursuite, & non autrement, le tout iusques à la somme de six cens liures de rête, & dix mille liures pour vne fois payer: Nous auons commise & attribuee, com-mettons & attribuons à nosdits President, maistre des Requestes, & Cōseillers, selon la cōmission qui leur sera cy apres dresse'e.

Voulons,

Voulôs, & nous plaist, les iugemens, arrests, ordonnances & appoinctemens, qui aurôt esté donnez par leldiçts President & Conseillers esdites matieres, côme dit est, estre de tel effet, vertu & executoire, comme les Arrests & iugemens donnez & prononcez en nostredicte Court de Parlement, icelle feant, sans que aucun soit receu à en appeller ne reclaimer. Vous declarant toutefois, que nostre vouloir & intention est, que tous les procez criminels soient vuydez auant tous autres, & que les plaidoiries cessent, & toutes autres causes ciuiles soiēt postposees à l'expedition desdits procez criminels, quād il y en aura qui seront en estat de iuger. Si vous mandons, committons, & enoignons, que ces presentes, & la iurisdiction de nosdits Grands iours vous faictes lire, publier, & enregistrer en nostredite Court de Parlement, & es pays, Bailliages & Seneschaucees dessus declarees, en maniere que nul n'en puisse pretendre cause d'ignorance, & que leldiçts subiects desdits pays se disposent & apprestent de leur cause, & en soient prests esdits Grands iours. Mandons en outre par cesdites presentes à tous Baillifs, Seneschaux,

& autres nos officiers & subiets, & à chacun d'eux, si comme à luy appartiendra, que les Arrests, iugemens, & sentences, qui seront donnees ausdits grands iours en la maniere dessusdite, ils facent, souffrēt, & laissent obseruer, entretenir, garder, & obeir par tous ceux qu'il appartiēdra, cōme si donnez & prononcez auoient esté en nostre dicte Court de Parlement. Car tel est nostre plaisir. Dōné à Paris le huietiesme iour d'Aoust l'an de grace, mil cinq cens quatre vingts trois.

Et de nostre regne le dixiesme.

Signees, Par le Roy, estant en son Conseil,

DE NEUVVILLE.

Et sceellees du grand seau à simple queuō en cire iaulne.

Leuēs, publiques & registrees, oy & requerāt le Procureur general du Roy. Et en seront enuoyees copies aux Baillifs, Seneschaux & autres Iuges du ressort desdits Grands iours, à ce qu'ils n'en pretendent cause d'ignorance. A Paris en Parlement, le treziesme iour d'Aoust, l'an mil cinq cens quatre vingts trois.

DE HEVEZ.

Extraict des Registres DE PARLEMENT.

LA COURT oy le Procureur general du Roy ce requerant, a entoinct, & entoinct à tous Baillifs, Seneschaux, Iuges, Vibailifs, Viseneschaux, Preuost des Mareschaux, ou leurs Lieutenans, estans dans le ressort des grands iours ce iourd'huy publiez, informer en toute diligence des meurdres, assassinats, voleries, rapt, enleuemens, & violemens de femmes & filles, leuees de deniers, & autres exactions, concussions, rebellions, forces & violences, usurpations, & occupations de Cures, Prieurez, Chappelles, Hospitaux & maladeries, excez faicts à Sergens, & autres officiers du Roy exerceans & executans leurs charges, & tous autres crimes commis dās ledict ressort: decreter & se saisir des personnes de ceux qui se trouueront chargez & coupables desdits crimes, instruire, faire & parfaire leur procez iusques à sentence exclusiement: nonobstant oppositions ou appellations quelsconques, & sans preiudi-

ce d'icelles: & enuoyer au Greffe criminel de ladite Court des grands iours dedans le dixième iour de Septembre prochain, les informations qu'ils auront par deuers eux tant à decreter que decretees, & dont les decrets n'auront encores esté executez: avec defenses d'en laiter aucunes, sur peine d'amende arbitraire. Pareillement enioint à tous Huissiers & Sergens d'enuoyer dedans ledict temps sur peine de suspension de leurs estats, les procez verbaux & exploits des rebellions, desobeyssances, excez, menaces, & intimidations, qui leur ont esté faites en executant ou signifiant Arrests, Sentences, ou autres mandemens de Iustice. Et au surplus ordonne ladite Court, que les Bailiffs, Seneschaux, leurs Lieutenans generaux, ciuils & criminels, Preuost des Mareschaux, & Substituts dudit Procureur general du ressort desdits Grands iours, seront tenus, & leur enioint ladite Court, d'eux y trouuer le quinzième dudit mois de Septembre prochain, pour rendre raison de leurs charges, & entendre les Ordonnances & deliberations de ladite Court: & ce pendant s'informer des noms & qualitez

litez de ceux qui tiennent les Cures, & autres Benefices de leur ressort. Aussi enjoint aux Archeuesques, Euesques, Archidiaques & Archiprestres, de faire visitation desdits Benefices, & certifier ladite Court des Grands iours dedans le vingtiesme dudit mois de Septembre, comme ils sont deseruis : pour, ce fait & communiqué audit Procureur general, ordonner ce que de raison. Et sera l'exécution du present Arrest faite par vertu de l'extraict d'iceluy.

Fait en Parlement, le treziesme iour d'Aoust, l'an mil cinq cens quatrevingts & trois.

Signé,

BOUCHER.

Sommaire du Priuilege.

P A R Lettres patéres du Roy, donnees à Paris le deuxiême iour de Novembre, mil cinq cents quatre vingts vn, signees sur le reply, Par le Roy, P I N A R T, & sceellées du grand scel dudit Seigneur, en cire iaune, sur double queue: verifiees tant en la Cour de Parlement, Chambre des Compres, des Aydes, que au Chastelet de Paris: Il est permis à Federic Morel son Imprimeur ordinaire, d'imprimer, ou faire imprimer, vendre & debiter tous Edicts, Ordonnances, Mandemens, & Lettres patentes, sans qu'autres Libraires & Imprimeurs les puissent imprimer ne faire imprimer, si ce n'est du vouloir & consentement dudit Morel: sur les peines contenues esdictes Lettres. En oultre a ledict Seigneur voulu, que apposant par ledict Morel vn extraict sommaire de ses Lettres, au commencement ou à la fin de chascun des Liures qu'il imprimera, elles soient tenues pour suffisamment notifiees & venues à la cognoissance particuliere de tous ceux qu'il appartiédra, sans qu'ils en puissent pretendre cause d'ignorance.